

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Adulterij crimen.

[urn:nbn:de:hbz:466:1-68709](#)

chantium catervâ stipata, thyrsisque, ac pellibus & cornibus instructa, rapido fertur in silvas cursu, sororem carceri eripit, & in regiam perducit; ubi communicatō cum illa consiliō, truculentæ vindictæ genus meditatur in Terea, multipli facinore sceleratum. Ityn, filium communem, frustra tendentem brachia, medium arripit, ferrum per costas transadigit: caput amputat, truncum corpus in plures secat partes: membra partim astat, partim lixat; sicque cocta & condita, apponit patri epulanda, immani crudelitatis, & feminei furoris exemplo, Tyrannus satis ubi comedti filij artibus ventrem distendit (ne simul assiderent Progne & Philomela, excusabant Orgiorum ritus, per quos solis inter se feminis convivari licebat) Ityn jubet gnatum ad mensam acciri, & ad bellaria venire. Ibi tum Philomela, clinguis caput pueri (quid atrocius?) ambabus infert manibus, & in adulteri ac incesti faciem validè ac sonanter coniicit, id unum dolens, gaudium ex ultione conceptum, verbis testari non posse. Fecit Progne, quod Philomela nequit, & quidquid irritatus furor execrationum excogitare valuit, in detestandum mœchum aggescit. Tereus cùm demersas in viscera dapes nequicquam conaretur reiçere, Furijs omnibus ex orco evocatis, stringit ferrum; amentis instar in uxorem ac Philomelam ruit. Sed ecce; dum fugientibus instat, repente videt Progenen in *hirundinem*, Philomelam in sui nominis *avem*, hoc est, lusciniā verti, & volatu auferri. Miranti & indignanti, non minus subita transformatio evenit; nam & ipse in volucrem *upupam* mutatus est.

Ethica.

I. (a) Inter pestilentes fœdæ concupiscentiæ fructus non ultimus est adulterium, seu conjugalis thori violatio, cuius fidem oportet esse sanctissimam, & humano, divinòque jure intemeratam. Est hoc flagitium gentibus omnibus exosissimum, & gravissimis poenis plecti solitum. Hebræi adulteros & adulteras lapidibus obruebant. Flagitiosissimam hanc Venereum sequitur omnium malorum catena, nempe cæcitas mentis, turpitudo, ignominia, opprobrium, mors ipsa, plena dèdecoris & acerbitalis. Quod regum sapientissimus in parabolis suis indicat. c. 6. *Qui adulter est, proprius cordis inopiam (vecordiam) perdet animam suam (infamem subibit mortem) turpidinem & ignominiam congregabit sibi, & opprobrium illius non delebitur (semper hæredit macula parentibus, filiis, nepotibus)* Hoc si mo-

(a) *Adulterij crimen.*

chi,

chi, moechæque perpenderent, utique caverent, & dicerent: *tantipoenitere non emo.* Atque ut taceam historias, Tereus per fabulam sine fabula documentum est, quid sit libidini frena permettere, & conjugali fidei labem inferre. Nam quod Philomelæ, uxoris sorori reluctanti, & per Sacra omnia obtestanti, vim nefarius intulerit, linguam execuerit, eam custodia mandarit: Progne filium parvulum Ityn in frusta conciderit, in cibum coxerit, apposuerit, incestificus maritus in ventrem absconderit: exinde furiis agitatus in volatilem bestiam immigrarit, eandemque poenam uxor & huius soror subierint, quemnam alia fuit causa, quam nefandum adulterii scelus, cuius hi fructus existunt?

II. (b) Credebat impurissimus homo cum exscissa Philomelæ lingua, criminis etiam notitiam elinguatam, & cum custodia in solitario loco abdita, flagitium quoque tenebris obiectum esse. Sed falsus est sceleratissimus pudoris alieni prædo; quod tacent homines, mutæ loquuntur picturæ; turpissimi facti infamia iisdem cum upupa pennis volat. Apud Martialem lib. 2. Epigram. Ponticus quidam nomine, servum, ut he domini scelus enuntiaret, pari crudelitate elinguavit; sed quod unus dixisset, postea omnes cœperunt loqui;

Abscissa servum quid fœdas, Pontice, linguâ,

Nescis tu populum, quod tacet ille, loqui?

Ita factum est Tereo, ita factum innumeris, & fit etiam hodie plurimis, quorum flagitia claram perpetrata, Nemesis in apertum produxit. Neque semel contigit, ut bestiæ manifestarent sclera, quæ hominum nequitia summo studio celabat. Ælianus refert lib. 7. c. 25. de canicula Sicula. quæ adulterum in domo absconditum prodidit. Idem lib. 8. c. 20. narrat heram adulterante à ciconia excæcatam. Bessus apud Plutarchum de sera Numinis vindicta, cum patrem nefando parricidio sustulisset, diuque scelus illud clanculum habuisset; postea temporis, foras cœnatum prodicens, nidum fortè hirundinum hastâ dejecerat, pullösque ad unum omnes interfecit. Interrogatus à prætereuntibus de insolentia facti: *non, inquit, auditis hirundines falsa de me vociferari, & testari, me patris mei esse interfectorum?* Mirati, qui intererant, hunc sermonem ad regem detulerunt; & Bessus suo indicio accusatus, tum deinde convictus, poenas luit. Credo has hirundinum accusatrices voces ortum à Progne duxisse, quæ quidem hirundineas pennas induit, memoriam tamen adulterantis Terei non exuit, nec de eo queri cessavit. Idem etiam hodie Philomela facit, de qua Bilbilianus Poëta:

A a 3

Flet

(b) *Sceleræ diu tegi non possunt.*

